

VEDTEKTER FOR GRAVPLASSANE I BØMLO KOMMUNE (FORSKRIFT)

Jf. lov av 7.juni 1996 nr. 32 om gravplassar, kremasjon og gravferd (gravferdslova) § 21 (1)

Vedteke av Bømlo kyrkjelege fellelsråd 15.01.2020

Godkjent av Bjørgvin Bispedømeråd 16.10.2020

I kraft frå godkjenningssdato for Bjørgvin Bispedøme.

§ 1 FORVALTNING

Gravplassane i Bømlo kommune er underlagt Bømlo kyrkjelege fellelsråd administrasjons- og myndigheitsområde.

§ 2. DEFINISJONAR

Gravplassforvaltning:	Bømlo kyrkjeleg fellelsråd under utøving av forvaltningsansvaret sitt for gravplassane i Bømlo kommune, jf. gravferdslova med forskrifter.
Fri grav:	Ny grav som gravplassforvaltninga har tildelt ein avdød person frå kommunen, og som det ikkje blir betalt festeavgift for i fredingstida.
Fredingstid:	Tidsrom frå siste gravlegging til grava kan takast i bruk igjen til ny gravlegging.
Festa grav:	Grav som blir festa mot betaling av avgift.
Festa gravstad:	Fleire kistegraver som er festa saman. Vanlegvis dobbelgrav.
Urnegrav:	Grav til oskeurne med plass til fire urner, jf. gravferdsforskrifta § 14. Dette gjeld ikkje § 11 <i>Namna minnelund</i> , kor det med urnegrav blir sikta til grav med plass til éi urne.
Kistegrav:	Grav som stettar forskrifta sine krav til storleik for gravlegging av kister. I ei kistegrav kan det også setjast ned urner.
Festetid:	Tida det er avtale om at ei grav skal vera festa.
Ansvarleg for grav:	Den som er ansvarleg for ei grav.
Festar:	Den som står som part i ein festeavtale.
Anonym minnelund:	Gravfelt for anonyme graver. Feltet kan ha eit felles minnesmerke utan opplysningar om kven som er gravlagt.
Namna minnelund:	Gravfelt med felles minnesmerke med namn og data på dei som er gravlagde der.
Gjenbruk av grav:	Det blir føreteke ei ny gravlegging i ei allereie eksisterande grav.

§ 3. FERDSEL PÅ GRAVPLASSANE

Besøkande skal om mogeleg ferdast gåande, jf. gravferdsforskrifta § 9 (2).

Gravplassforvaltninga kan etter søknad gi løyve til å køyre ved dokumentert sjukdom/forflyttingshemming. All køyring skal skje særleg omsynsfullt.

§ 4. GRAVPLASSTILHØYRSLE

Avdøde personar i kommunen kan gravleggjast der ein ønskjer av gravplassane i kommunen. Dei har rett til fri grav så langt grava blir tilvist.

Avdøde personar som på grunn av sjukdom eller alderdom har budd i ein annan kommune mot slutten av livet, blir medrekna på same måte som kommunens eigne innbyggjarar, og har rett til fri grav så langt grava blir tilvist.

Avdøde personar frå andre kommunar kan bli gravlagt i kommunen mot at kostnadane ved gravferda og avgift som ved feste av grav blir betalt.

§ 5. FREDNINGSTID

Fredingstid for kistegraver er 30 år.

Fredingstid for urnegraver er 20 år.

Gravplassforvaltninga kan endre fredingstida for enkelte graver men ikkje mindre enn 20 år jfr. Gravferdsloven §8.

§ 6. FESTE AV GRAV

Før gravlegging skal det avtalast kven som er ansvarleg for grava.

Fredingstid og feste av enkelt grav

Ei ny enkeltgrav har ei fredingstid på 30 år i Bømlo kommune. Denne perioden vert det ikkje kravd festeavgift. Etter 30 år kan det betalast festeavgift for 5 år om gangen fram til grava er 70 år. Festeavgifta vert regulert ved 40 år og ved 60 år. (Sjå eige skriv – Festeavgift i Bømlo kommune frå 2020) Når grava er 70 år, kan festet ikkje bli fornya utan etter særleg samtykkje frå gravplassforvaltninga.

Fredingstid og feste av dobbel grav

Når ei kistegrav vert teke i bruk er det høve til å reservere/feste ei grav ved sida av for ektefelle eller nær slektning når dette er naturleg. Dette vert då rekna som to graver, men likevel bere éin gravstad. Det vert då éi grav som er fri grav i 30 år, og éi grav som vert festa frå tidspunktet den første grava vert teke i bruk. Den reserverte grava kan festast for 5 år om gongen. Etter søknad til gravplassforvaltninga; kan det festast ei ekstra grav i tillegg når behovet tilseier det. Det vert i eit slikt tilfelle éi fri grav og 2 reserverte/festa graver i ein og same gravstad. Det vert betalt feste per grav og ikkje per gravstad.

Ved reservering/feste av grav ved sida av den kistegrava som blir teke i bruk, er festetida 5 år om gongen. Når festetida er ute, kan gravstaden bli festa for nye 5 år. Den reserverte/festa grava vert festa vidare med 5 år om gongen også etter at den er teke i bruk.

Ei festa grav kan aldri gå tilbake til å bli ei fri grav, men mindre grava vert sletta av festar og dermed går tilbake til gravplassforvaltninga sin disposisjon.

Ved bruk av særskilt urnegrav kan det ikkje bli festa ei grav ved sida av.

Festetid

I god tid før festetida er ute skal festaren bli varsla. Er ikkje festet blitt fornya innan seks månader etter forfall, fell grava eller gravstaden tilbake til gravplassen.

Når det er gått 70 år etter siste gravlegging, kan festet ikkje bli fornya utan etter særleg samtykkje frå gravplassforvaltninga.

Gjenbruk av grav

Ingen kan bli gravlagt i festa gravstad utan festaren sitt samtykkje. Dersom det ikkje er råd å hente inn samtykkje frå den ansvarlege eller festaren til bruk av festa grav, kan gravplassforvaltninga ta avgjersle om gravlegging.

Anna

Alle graver som vart nytta til kistegraver i perioden 1953 til og med 1979 er tekne ut av bruk inntil vidare som kistegraver. Dette på grunn av plastgravproblem. Det kan gravleggast urne i ei plastgrav.

Avgift for feste av grav blir fastsett av kommunen etter tilråding frå kyrkjeleg fellesråd.

Festar pliktar å melde adresseendring.

Innbetalt festeavgift blir bere tilbakebetalt dersom tilbakebetalinga følgjer av bindande rettsregler eller det ligg føre særlege grunnar for dette.

§ 7. GRAV OG GRAVMINNE

Ved opning av grav kan jord bli lagt på omkringliggende graver og gravutstyr kan mellombels bli flytta. Gravplassforvaltninga sørgjer for istandsetting igjen, og vil også sjå til at grava blir planert og tilsådd med gras etter gravlegging. Montering av gravminne kan først skje etter at gravplassforvaltninga har godkjent gravminnet. Det kan ikkje bli sett opp tidlegare enn 6 månader etter gravlegging av kiste, med mindre gravplassforvaltninga har gjeve løyve om dette. På dobbeltgraver (ein gravstad med 2 eller 3 graver) vert gravminnet ståande på grava til den fyrste gravlagde for all framtid, med mindre gravplassforvaltninga i særskilde høve har gjeve løyve om noko anna i samråd med festar av gravene.

Gravminne på urnegrav kan bli sett opp med ein gong etter urnenedsetting.

§ 8. PLANTEFELT

Framfor gravminnet er det høve til å opparbeide eit plantefelt i høgde med bakken omkring. Det må ikkje vere breiare enn gravminnet si breidde, men kan i alle tilfelle vere opp til 60 cm breitt. Det kan ikkje stikke lengre fram enn 60 cm, målt frå gravminnet sin bakkant. Det kan ikkje plantast vekstar som overstig gravminnet si høgde eller går utover plantefeltet. Det er ikkje høve til å bruke faste dekorgjenstandar som blomsterurner, lykter mv. i plantefeltet. Det er høve til å tenne stearinlys og oljelampe på grava, så lenge dette er innanfor gjeldande reglar om brannvern. Stearinlys, oljelamper og andre lause dekorgjenstandar skal fjernast etter bruk.

Det er høve til å ramme inn plantefelt med delt steinkant eller bedplate som fluktar med terrenget omkring. Bedplate og fundament for gravminne skal ikkje henge saman, og steinkanten eller bedplata kan ikkje vera breiare enn gravminnet. Dersom det ikkje er aktuelt å ha plantefelt, skal det vere grasbakke på alle sider av gravminnet.

§ 9. PLANTEMATERIALE

Planter, kransar og liknande materiale som blir nytta ved gravferd eller ved pynting av grav og som endar som avfall, skal fullt ut vere kompostérbare.

§ 10. STELL AV GRAV

Kvar ansvarleg for fri- eller festa grav har rett og plikt til å stelle den grava vedkomande har ansvaret for. Plantefelt som ikkje blir tilplanta eller stelt skal såast til av den ansvarlege eller bli sådd til av gravplassforvaltninga.

Ansvarleg for grav eller festar pliktar å halde gravminnet sikra og i forsvarleg stand.

Ansvarleg for grav eller festar kan gjere avtale om at kyrkjelege fellesråd, og den som får løyve til det etter § 13, kan utføre planting, stell og sikring av gravminnet. (Sjå eigen brosjyre – Stellavtale i Bømlo kommune) Ein slik avtale fritenk ikkje den ansvarlege eller festar frå det ansvaret dei har etter reglane som til ei kvar tid gjeld.

§ 11. NAMNA MINNELUND (URNE)

Gravplassforvaltning tilbyr i dag namna minnelund på Bremnes kyrkjegard og Lykling kyrkjegard.

Ved gravlegging/urnenedsetjing i namna minnelund skal namn og data til avdøde først på ei namneplate på felles minnesmerke.

I den namna minnelunden på Lykling kyrkjegard kan det bli festa éi grav attmed/reservering. Ved feste av grav attmed skal det betalast festeavgift frå tidspunktet då den første grava blir tatt i bruk. Ved feste av grav attmed i namna minnelund vil ikkje gravene nødvendigvis kome attmed kvarandre, men namneplatene vil vera vedsidan av kvarandre på minnesteinen. Reservering i minnelund er per i dag ikkje mogeleg på Bremnes kyrkjegard. På begge minnelundane er det mogelegheiter for feste av grav etter utgått fredingstid.

Ved gravlegging i namna minnelund må det betalast for kostnader til namneplate og tilhøyrande planting og stell. (Sjå eige skriv – Namna minnelund)

Gravplassforvaltninga har ansvaret for felles planting og stell ved minnelunden. Det er ikkje høve til å opparbeide eige plantefelt for grav i minnelund. Det kan leggest ned blommar, setjast ned avskorne blommar og tennast gravlys på tilvist plass så lenge dette er innanfor gjeldande reglar om brannvern.

§ 12. ANONYM MINNELUND (URNE)

Ved gravlegging/urnenedsetjing i anonym minnelund vert ikkje namn eller data til avdøde ført opp. Det er heller ikkje mogeleg å feste grava i anonym minnelund.

Gravplassforvaltninga tilbyr i dag anonym minnelund på Lykling kyrkjegard.

§ 13. BÅREROM

Bårerom blir disponert av kommunen, og skal berre nyttast til oppbevaring av døde i tida fram til gravferda. Ingen har tilgang utan etter løyve. Liksyning kan berre finne stad etter samtykke frå den som står for gravferda, og vedkjem ikkje dei tilsette.

§ 14. NÆRINGSVERKSEMD

Næringsdrivande som ønskjer å drive verksemd på gravplassen skal hente inn løyve frå gravplassforvaltninga. Løyvet kan kallast tilbake dersom vedkomande ikkje rettar seg etter dei reglane som gjeld. Slik verksemd kan berre omfatte montering, sikring og vedlikehald av gravminne, samt planting og stell av graver.

§ 15. ARBEID PÅ GRAVPLASSANE

Anleggs- og vedlikehaldsarbeid skal ikkje utførast på søndagar, heilagdagane eller offentlege høgtidsdagane. Ikkje noko arbeid på gravplassen må vere til sjenanse for seremoniar eller rituelle handlingar på gravplass eller i bygning på gravplass. Næringsdrivande kan berre

køyre på gravplassen i den grad det er nødvendig for å utføre arbeidet. Slik køyring skal skje ekstra omsynsfullt.

Personalet på gravplassen kan ikkje mot godtgjering utføra tenester for private eller næringsdrivande. Dei kan heller ikkje engasjere seg i sal av varer eller tenester som har med gravplassen å gjera.